

FELIPE VI.a

ESPAINIAKO ERREGEA

Honako hau ikusten eta ulertzen duten guztiei.

Jakizue: Gorte Nagusiek honako lege hau onetsi dutela eta nik berretsi egiten dudala:

HITZAURREA

Espainiako Konstituzioaren lehenengo xedapen gehigarriak adierazten du arau horrek lurralde forudunetako eskubide historikoak babestu eta errespetatzen dituela, eta eransten du foru-araubide horren eguneratzea, hala denean, Konstituzioaren eta autonomia-estatutuen eremuan burutuko dela.

Euskal Herriaren Autonomia Estatutuak —abenduaren 18ko 3/1979 Lege Organikoaren bidez onartua bera— 41. artikulua 1. apartatua ezartzen du Estatuaren eta Euskal Autonomia Erkidegoaren arteko tributu-arloko harremanak tradiziozko Ekonomia Itunaren bidez bideratuko direla; artikulua horren 2.d) apartatua, berriz, xedatzen da Euskadik Estatuko karga orokor guztietarako ekarpena egingo duela guztizko kupo baten bidez, zeina lurralde historiko bakoitzari dagokionaz osatuta egongo baita.

Azkenik, 41. artikulua 2.e) apartatua aurreikusten du batzorde misto batek finkatuko duela lurralde historiko bakoitzari dagokion kupo eta hortik ateratzen den guztizko kupo lege bidez onartuko dela Ekonomia Itunean zehaztuko den aldizkakotasunez.

Estatuaren eta Euskal Autonomia Erkidegoaren arteko Ekonomia Itunak —maiatzaren 23ko 12/2002 Legearen bidez onartua bera— 50. artikulua Bat apartatua ezartzen du ezen bost urtetik behin, Gorte Nagusien lege baten bidez eta alde aurretik Ekonomia Itunaren Batzorde Mistoak akordioa lortuta, bosturtekoan aginduko duen kupo zehazteko metodologia onartuko dela, Ekonomia Itunean jasotako printzipio orokorrekin bat, eta bosturtekoaren lehenbiziko urteko kupo ere onetsiko dela.

Manu horiek betetzeko, bi administrazioek, elkar hartuta, erabaki dute zer metodologia aplikatuko den 2017-2021 bosturtekoan kupo zehazteko, eta finkatu dute zenbat izango den 2017. urteko —hau da, bosturtekoaren abiaburu-urteko— behin-behineko kupo likidoa; hori guztia, Ekonomia Itunaren Batzorde Mistoak 2017ko uztailaren 19ko bilkuran horretarako beharrezkoak diren erabakiak hartu ondoren.

Artikulu bakarra. *Euskadiko kupo zehazteko metodologia onartzea 2017-2021 bosturtekorako.*

Lege honen eranskinean jasota dagoen Euskadiko kupo zehazteko metodologia onartzen da 2017-2021 bosturtekorako —metodologia hori Estatuaren eta Euskal Autonomia Erkidegoaren arteko Ekonomia Itunaren 50. artikuluan eta Euskal Herriaren Autonomia Estatutuaren 41.2.e) artikuluan aipatua dago—.

Azken xedapen bakarra. *Indarrean jartzea.*

Lege hau *Estatuko Aldizkari Ofizialean* argitaratu eta hurrengo egunean jarriko da indarrean, eta 2017ko urtarrilaren 1etik aurrera izango ditu ondoreak.

Horrenbestez,

Lege hau bete eta betearaz dezatela agintzen diet espainiar guztiei, partikular zein agintariei.

Madriren, 2017ko abenduaren 28an.

FELIPE e.

Gobernuko presidentea,
MARIANO RAJOY BREY

ERANSKINA

I. KAPITULUA

Metodologiaren araubide juridikoa eta indarraldia.

1. artikulua. Metodologiaren araubide juridikoa eta indarraldia.

Hurrengo artikuluetan arautzen den metodologiaren bidez zehaztuko dira 2017-2021 ekitaldietako —biak barne— Euskadiko kupoak. Hain zuzen ere, metodologia honek 12/2002 Legearen bidez onartutako Euskal Autonomia Erkidegoarekiko Ekonomia Itunaren II. kapituluaren 2. atalean ezarritako arauak jasotzen ditu.

2. artikulua. *Sistematika.*

Aurreko artikuluan xedatutako ondoretarako, bosturtekoaren abiaburu-urteko kupo likidoa zehaztuko da, eta, hurrengo ekitaldiei begira, kupo hori eguneratu egingo da.

II. KAPITULUA

Abiaburu-urteko kupo likidoa zehaztea.

3. artikulua. Abiaburu-urteko kupo zehaztea.

2017-2021 bosturtekoaren abiaburu-urteko kupo likidoa zehazteko, Autonomia Erkidegoak bereganatu ez dituen kargen zenbateko osoari egozpen-indizea aplikatuko zaio, eta, ondoren, egoki diren doikuntzak eta konpentsazioak egingo dira, hurrengo artikuluetan ezarritako baldintzetan.

4. artikulua. *Autonomia Erkidegoak bereganatu ez dituen Estatuko kargak.*

Bat. Autonomia Erkidegoak bereganatu ez dituen Estatuko kargak Autonomia Erkidegoak hortaz baliatzeko benetan bereganatu ez dituen eskumenei dagozkienak dira.

Bi. Karga horien zenbateko osoa zein den zehazteko, eragiketa hau egingo da:

kasuan kasuko errege-dekretuetan finkatutako transferentzien efektibitatearen egunetik Autonomia Erkidegoak bereganatutako eskumenei estatu mailan dagokien aurrekontuko zati osoa kenduko zaio Estatuaren aurrekontuko gastu osoari.

Hiru. Beste batzuen artean, hauek hartuko dira Autonomia Erkidegoak bereganatu gabeko kargatzat:

a) Lurraldearteko konpentsazio-funtsetarako Estatuaren Aurrekontu Orokorretan izendatutako kopuruak.

b) Estatuak ente publikoentzako egindako transferentziak edo ente horiei emandako dirulaguntzak, baldin eta ente horiek dituzten eskumenak ez baditu Euskal Autonomia Erkidegoak bereganatu.

c) Estatuaren zorren interesak eta amortizazio-kuotak.

Lau. Bereganatu gabeko kargak lurralde historikoei nola egotziko zaizkien jakiteko, hurrengo 7. artikuluan aipatzen den egozpen-indizea erabili beharko da.

5. artikulua. *Doikuntzak.*

Bat. Hurrengo 14. eta 15. artikuluetan xedatutakoa ezertan eragotzi gabe, aurreko artikulua Lau zenbakian adierazitako egozpenetik ateratzen diren kopuruak doitu egingo dira, Euskadiri eta Estatuko gainerako lurraldeari egotzi beharreko zuzeneko zergen ondoriozko diru-sarreraren zenbatespena hobetzeko, Itunaren 55. artikuluan ezarritakoaren arabera.

Bi. Aurreko Bat zenbakian araututako doikuntza eginda ateratzen diren zenbatekoak izango dira lurralde historiko bakoitzaren kupoa.

6. artikulua. *Kompentsazioak.*

Bat. Lurralde historiko bakoitzari dagokion kupotik, konpentsazio gisa ondorengo kontzeptuei dagozkien kenketak egingo dira:

a) Tributu itundugabeen zati egozgarria.

b) Izaera ez-tributarioa duten aurrekontuko diru-sarreraren zati egozgarria.

c) Estatuaren Aurrekontu Orokorrek izan dezaketen defizitaren zati egozgarria.

Bi. Aurreko zenbakian aipatu diren kontzeptuak egozteko, hurrengo 7. artikuluan ezarritako indizea erabiliko da.

7. artikulua. *Egozpen-indizea.*

Aurreko 4. eta 6. artikuluetan aipatzen den egozpen-indizea % 6,24 da bosturteko honetarako; indize hori, funtsean, lurralde historikoetako errenta eta Estatuko errenta erkatuta zehaztu da.

8. artikulua. *Kupo likidoa.*

Bat. 5. artikuluan araututako doikuntzak eta 6. Bat artikuluan araututako konpentsazioak eginda ateratzen den kopurua izango da, zehazki, Euskadik 2017ko ekitaldian —hau da, bosturtekoaren abiaburu-urtean— eman beharreko kupo likidoa.

Behin kupo likidoa zehaztuta dagoenean, haren zenbatekoa murriztu egingo da, Ekonomia Itunaren laugarren xedapen iragankorra aplikatuz lortzen den zenbatekoa bezainbeste.

III. KAPITULUA

Bosturtekoaren ondorengo urteetako kupo likidoa zehaztea eta kupoen behin betiko likidazioa

9. artikulua. *Zehazte-metodoa.*

Bosturtekoaren abiaburu-urtearen ondorengo urteei dagokien kupo likidoa behin-behinean kalkulatzeko, kontzeptu horri eguneratze-indize bat aplikatuko zaio.

10. artikulua. *Eguneratze-indizea.*

Eguneratze-indizea bi hauen arteko koefizientea da: tributu itunduak direla-eta — autonomia-erkidegoei guztiz lagatako tributuak bazter utzita— kupo likidoaren ekitaldiko Estatuaren diru-sarreraren aurrekontuko I. eta II. kapituluetan aurreikusten diren diru-sarrerak eta Estatuak bosturtekoaren abiaburu-urterako tributu-kontzeptu berberengatik aurreikusita dituen diru-sarrera homogeneizatuak.

11. artikulua. *Bereganatutako eskumenak aldatzearen ondorioak.*

Bat. Bosturteko horretako edozein urtetan Euskal Autonomia Erkidegoak eskumen berriak bereganatzen baditu eta eskumen horien estatu-mailako urteko kostua Estatuko kargen barruan sartu bazen bosturtekoaren abiaburu-urteko kupo —8. artikuluan aipatua— zehazteko, eskualdaketaren estatu-mailako urteko kostu osoa kalkulatu da eskualdaketaren ekitaldian, ekitaldi horretako Estatuaren Aurrekontu Orokorretan ezarritakoaren arabera.

Eskualdaketa berria indarrean jartzeko eguna ekitaldi horretako urtarrilaren 1ean hasten ez bada, ekitaldi horretan eskualdaketaren estatu-mailako urteko kostu osoa hainbanatuko da Euskadik eskumenok eskuratu dituen urte-zatiaren arabera, baina horren ondoreak eskualdaketa gertatu den ekitaldiko kupo zehazteko izango dira bakarrik.

Aipatu den murrizketa proportzional horrek gastu arruntak benetan zenbatean behin sortzen diren kontuan izango du, bai eta Estatuaren inbertsioak benetan zenbateraino burutu diren ere.

Bi. Aurreko apartatuan adierazitako kasua gertatuz gero, bosturtekoaren abiaburu-urteko kupo likidoari kopuru hau kenduko zaio: eskualdaketa gertatu den ekitaldiko estatu-mailako urteko kostu osoa zati 10. artikuluan araututako eguneratze-indizea eginda lortzen den zenbatekoari 7. artikuluan araututako egozpen-indizea aplikatuta ateratzen dena.

Berrikuspen hori egin ondoren lortzen den bosturtekoaren abiaburu-urteko kupo likidoa erabiliko da eskualdaketa gertatu den ekitaldiko eta ondorengo ekitaldietako kupo zehazteko.

Hiru. Euskal Autonomia Erkidegoak bereganatuta zuen eskumenean bat egikaritzeari uzten badio, azaldutako mekanismoa kontrako moduan aplikatuko da.

Lau. Bosturteko horretako edozein urtetan Estatuak finantzaketa-konpromiso berriak erreserbatzen edo bereganatzen baditu legegintza-neurrien, interes orokorraren edo erakundearteko akordioen ondorioz, eta konpromiso horiek autonomia-erkidegoek betearazi beharreko gaiei buruzkoak badira, Ekonomia Itunaren Batzorde Mistoa bilduko da, Euskadiri zer partaidetza finantzario dagokion aztertze eta zehazteko.

12. artikulua. *Behin betiko likidazioa.*

Bat. Aurreko artikuluetan ezarritakoaren arabera behin-behinean zehazten diren kupoak behin betiko likidatzeko, abiaburu-urteko behin betiko kupo likido homogeenari 10. artikuluan definitutako eguneratze-indizearen benetako balioa aplikatuko zaio — Estatuak kupoaren ekitaldian izandako benetako bilketa likidotik eta bosturtekoaren abiaburu-urteko bilketa horren homogeenotik ateratzen dena—.

Bi. Salbuespenez, bosturtekoaren abiaburu-urteko kupo likidoa behin betiko likidatzeko, aintzat hartuko da 10. artikuluan definitutako eguneratze-indizearen benetako balioa —Estatuak bosturtekoaren abiaburu-urtean izandako benetako bilketa likidotik ateratzen dena— zenbat den Estatuaren diru-sarreraren aurrekontuan ekitaldi horretarako ezarritako bilketaren aurreikuspen homogeenorekin alderatuta.

Hiru. Estatuak ekitaldi bakoitzean izandako bilketa likidoa Estatuko Administrazioaren Kontu-hartzailetza Nagusiak ondore horietarako emandako ziurtagirian agertzen dena izango da; halakotzat zenbatuko da ziurtagiriaren urtean lortu dena, sortzapen-urtea edozein izanik ere.

Lau. Kupoaren eta konpentsazioaren ondorengo ekitaldiko maiatzean egingo da behin betiko likidazioa; ekitaldi horretarako behin behinean ezarritako kupo likidoarekin izandako aldeak ere une horretan erregularizatuko dira —maiatzean, alegia—, eta, hala denean, hurrengo artikuluan jasotakoaren arabera egin beharreko diru-sarrerarekin batera zenbatuko dira, hil berean.

IV. KAPITULUA

Arau erkideak

13. artikulua. *Kupoa ordaintzea.*

Euskal Autonomia Erkidegoak ekitaldi bakoitzean ordaindu behar duen kopurua hiru zenbateko berdinetan ordainduko dio Estatuko Ogasun Publikoari, ekitaldi bakoitzeko maiatzean, irailean eta abenduan.

14. artikulua. *Balio erantsiaren gaineko zergaren ondoriozko doikuntza.*

Bat. Balio erantsiaren gaineko zerga dela-eta Euskadin izandako benetako bilketari honako hauek gehituko zaizkio:

a) Balio erantsiaren gaineko zerga dela-eta aduanetan bildutakoaren % 6,875.

b) Lurralde erkidean izandako benetako bilketa zati % 94,235 eginda lortzen den kopuruaren % 1,110, edo Euskadin izandako benetako bilketa zati % 5,765 eginda lortzen denaren % 1,110; lehenengo kasua aplikatuko da, baldin eta Euskadiko bilketa Estatuko bilketa osoarekin alderatuta —aduanetan bildutakoa izan ezik— % 5,765 baino handiagoa bada, eta bigarrena aplikatuko da, aldiz, ehuneko hori baino txikiagoa bada.

Bi. Aurreko doikuntza behin-behinean egozteko eta hurrengo ekitaldian behin betiko erregularizatzeko, Ekonomia Itunaren Batzorde Mistoak onetsitako prozedura erabiliko da, une bakoitzean indarrean dena.

15. artikulua. *Fabrikazio-zerga berezien ondoriozko doikuntza.*

Bat. Zenbait fabrikazio-zerga berezi direla-eta (alkoholaren eta edari deribatuen gaineko zerga, tarteko produktuen gaineko zerga, garagardoaren gaineko zerga, hidrokarburoen gaineko zerga eta tabako-laboreen gaineko zerga) Euskadin izandako benetako bilketari honako hauek gehituko zaizkio:

a) 1. Alkoholaren eta edari deribatuen gaineko zerga eta tarteko produktuen gaineko zerga direla-eta aduanetan bildutakoaren % 7,130.

2. Alkoholaren eta edari deribatuen gaineko zerga eta tarteko produktuen gaineko zerga direla-eta lurralde erkidean izandako benetako bilketa zati % 98,068 eginda lortzen den kopuruaren % 5,198, edo Euskadin tributu-kontzeptu berberengatik izandako benetako bilketa zati % 1,932 eginda lortzen denaren % 5,198; lehenengo kasua aplikatuko da, baldin eta Euskadiko bilketa Estatuko bilketa osoarekin alderatuta — aduanetan bildutakoa izan ezik— % 1,932 baino handiagoa bada, eta bigarrena aplikatuko da, aldiz, ehuneko hori baino txikiagoa bada.

b) 1. Garagardoaren gaineko zerga dela-eta aduanetan bildutakoaren % 7,130.

2. Garagardoaren gaineko zerga dela-eta lurralde erkidean izandako benetako bilketa zati % 98,269 eginda lortzen den kopuruaren % 5,399, edo Euskadin tributu-kontzeptu berberengatik izandako benetako bilketa zati % 1,731 eginda lortzen denaren % 5,399; lehenengo kasua aplikatuko da, baldin eta Euskadiko bilketa Estatuko bilketa osoarekin alderatuta —aduanetan bildutakoa izan ezik— % 1,731 baino handiagoa bada, eta bigarrena aplikatuko da, aldiz, ehuneko hori baino txikiagoa bada.

c) 1. Hidrokarburoen gaineko zerga dela-eta aduanetan bildutakoaren % 6,560.

2. Zeinu negatiboarekin, hidrokarburoen gaineko zerga dela-eta lurralde erkidean izandako benetako bilketa —zerga-tasa autonomikoak aplikatuzetik bildutakoa izan ezik— zati % 91,740 eginda lortzen den kopuruaren % 1,700, edo Euskadin tributu-kontzeptu berberengatik izandako benetako bilketa zati % 8,260 eginda lortzen denaren % 1,700; lehenengo kasua aplikatuko da, baldin eta Euskadiko bilketa Estatuko bilketa osoarekin alderatuta —aduanetan bildutakoa izan ezik— % 8,260 baino handiagoa bada, eta bigarrena aplikatuko da, aldiz, ehuneko hori baino txikiagoa bada.

3. Bi hauen arteko aldea: batetik, Euskadiko erakunde eskudunek onartu dituzten zerga-tasa autonomikoak aplikatzearen ondorioz lurralde erkidean izandako urteko benetako bilketa, eta, bestetik, beste autonomia-erkidego batzuek onartutako zerga-tasa autonomikoak aplikatzearen ondorioz Euskadin bildutakoa.

d) Bi hauen arteko aldea: batetik, tabako-laboreen gaineko zerga dela-eta lurralde erkidean izandako benetako bilketari urteko ehuneko jakin bat —hain zuzen ere, Euskadin kokatutako tabako- eta tinbre-saltokiei hornitutako laboreen balioa zati zerga horren aplikazio-lurraldean halako establezimenduei hornitutako laboreen balioa eginda lortzen dena— aplikatuta ateratzen den emaitza, eta, bestetik, tributu-kontzeptu berberengatik Euskadin izandako benetako bilketari lehen aipatutako ehunekoaren osagarria aplikatuzetik lortzen dena.

Bi. Tarte autonomikoaren ondoriozko bilketa bazter utzita, Euskadin

hidrokarburoen gaineko zerga dela-eta izandako benetako bilketak % 7 baino gehiagoko aldea badu, eta alkoholaren eta edari deribatuen gaineko zerga, tarteko produktuen gaineko zerga eta garagardoaren gaineko zerga direla-eta bildutakoak % 10 baino gehiagoko aldea badu, Estatu osoan zerga horietako bakoitzarengatik izandako benetako bilketari artikuluko honen Bat apartatuaren a) 2, b) 2 eta c) 2 letren azken tartekian jasotako indizeak aplikatuz ateratzen den kopuruarekin alderatuta, indize horiek zuzendu egingo dira, aldeak gertatu diren urtean beharrezkoak diren doikuntzak egiteko.

Zuzenketa honela egingo da: aurreko paragrafoan ezarritako mugen gainetik dagoen aldakuntza-ehuneko positiboa zein negatiboa aplikatuta aurreko Bat apartatuaren a) 2, b) 2 eta c) 2 letren azken tartekian jasotako indizeei.

Hiru. Zerga bakoitzari aurreko doikuntza behin-behinean egozteko eta hurrengo ekitaldian behin betiko erregularizatzeko, Ekonomia Itunaren Batzorde Mistoak onetsitako prozedura erabiliko da, une bakoitzean indarrean dena.

Lehenengo xedapen gehigarria.

2017-2021 bosturtekoako, indarrean jarraituko du abuztuaren 4ko 37/1997 Legearen lehenengo xedapen gehigarrian ezarritakoak.

Bigarren xedapen gehigarria.

Metodologia honen I. eranskinean agertzen den Euskadiko kupo likidoa onartzen da 2017-2021 bosturtekoaren abiaburu-urterako.

Hirugarren xedapen gehigarria.

Azaroaren 5eko 1441/2010 Errege Dekretuan ezarritakoaren arabera lanaren, enpleguaren eta lanbide-heziketaren eremuko programa eta jardura publikoekin lotutako kostuan parte hartzeagatik Euskadiri dagokion finantzaketa gutxitu egingo da, ekitaldi bakoitzean ordaindu behar duen kupo likidoaren konpentsazio gisa.

Laugarren xedapen gehigarria.

Baldin eta Estatuak tributuei buruz duen ordenamendu juridikoan erreformaren bat egiten bada eta erreforma horrek tributuen itunari eragiten badio, edo araugintzarako eskumenen banaketa aldatzen bada eta aldaketa horrek zeharkako zergapetzearen eremuari eragiten badio, edo tributuei eragiten badio, edo konturako ordainketa berriren bat sortzen bada, bi administrazioek, elkar hartuta, bosturtekoaren abiaburu-urteko kupo likidoa eta haren eguneratze-indizea berrikusiko dituzte, egoki den moduan eta zenbatekoan, eta horrek guztiak erreforma egiten den urtetik aurrera izango ditu ondoreak.

Bi administrazioek erabakiko dute, hala badagokio, zer doikuntza edo konpentsazio ezarri behar den, tributuei eragiten dituzten aldaketa itunduaren izaera kontuan hartuta.

Bosgarren xedapen gehigarria.

Baldin eta Estatuak tributuen lagapen-araubidean erreformaren bat egiten bada, edo Estatuaren Aurrekontu Orokorretan aldaketa funtsezkoen bat, autonomia-erkidegoak edo toki-erakundeak finantzatzeko sistema erreformatzearen ondorioz, Ekonomia Itunaren Batzorde Mistoak bilduko da, bosturtekoaren abiaburu-urteko kupo likidoaren

edo/eta haren eguneratze-indizearen berrikuspena aztertzeko eta, egoki bada, zehazteko; hala izatekotan, erabakitakoak erreforma egiten den urtetik aurrera izango ditu ondoreak.

Seigarren xedapen gehigarria.

Egungo tabako-laboreen fabrikazio- eta merkataritza-araubidea aldatuz gero, bi administrazioek, elkar hartuta, 15.Bat artikulua d) letra berrikusiko dute.

Zazpigarren xedapen gehigarria.

Salbuesenez, behin betikotzat jotzen da 2012-2016 bosturtekoari dagozkion behin betiko kupoak zehazteko erabilitako metodologia, Ekonomia Itunaren Batzorde Mistoak onartutako baldintzetan; metodologia hori 2007-2011 bosturtekoarako Euskadiko kupoak zehazteko metodologia onartzen duen urriaren 25eko 29/2007 Legean jasota dago.

Zortzigarren xedapen gehigarria.

2017-2021 ekitaldietarako bakar-bakarrik, Euskadik ekitaldi bakoitzean ordaindu behar duen kupo likidoan honako hauek aplikatuko dira konpentsazio gisa: 2007-2011 bosturtekoaren likidazioaren emaitza, 2012-2016 bosturtekoarena eta Ekonomia Itunaren Batzorde Mistoak 2017ko maiatzaren 17ko bilkuran hartutako gainerako erabakien ondoriozkoa, Batzordeak ezarritako baldintzetan.

Azken xedapenetatik lehena.

Salbuesenez, lege honen indarraldia igarota ez bada aldarrikatu beste lege bat hurrengo ekitaldietako kupoak zehazteko metodologia arautzen duena, lege honetan bildutako metodologia hau berau aplikatuko da, oso-osorik, kupo likidoak eta konpentsazioak —metodologia honen lehenengo xedapen gehigarrian eta Ekonomia Itunaren laugarren xedapen iragankorrean adieraziak— behin-behinean zehazteko 2022ko ekitaldian eta hurrengoetan.

Modu horretan zehazten diren kupoak eta konpentsazioak ordeztu egingo dira gerora; hain zuzen ere, aurreko paragrafoan aipatutako legea onartutakoan, haren ondorioz egoki direnak jarriko dira.

Azken xedapenetatik bigarrena.

Metodologia honetan xedatzen denak ez du ezertan eragozten Euskal Autonomia Erkidegoarekiko Ekonomia Itunaren xedapen gehigarrietan, iragankorretan eta azken xedapenetan jasotako araudia; izan ere, xedapen horiek indarrean egoten jarraituko dute, beren baldintzak kontuan hartuta aplikatzekoak diren heinean.

I. ERANSKINA

Euskal Autonomia Erkidegoko kupoa 2017rako

(2017rako Estatuaren Aurrekontu Orokorrak)

	Milaka euro
ESTATUAREN AURREKONTUA. GASTUAK	276.152.254,24
EAEk BEREGANATUTAKO KARGAK	89.966.505,13
BEREGANATU GABEKO KARGAK, GUZTIRA	186.185.749,11
INDIZEAREN EGOZPENA (% 6,24)	11.617.990,74
KONPENTSAZIOAK ETA DOIKUNTZAK	-10.313.455,24
- Tributu itundugabeengatik	-539.702,10
- Diru-sarrera ez-tributarioengatik	-595.209,88
- Aurrekontu-defizitarengatik	-8.781.465,54
- Zuzeneko zerga itunduengatik	-397.077,72
KUPO LIKIDOA	1.304.535,50
Arabari dagozkion konpentsazioak	-4.426,53
ORDAINDU BEHARREKO ZENBATEKO LIKIDOA	1.300.108,97

(*) Zenbateko horretan ez dago sartuta bereganatutako karga gisa azaroaren 5eko 1441/2010 Errege Dekretuaren bidez (G.2 apartatua) Euskadiri eskualdatutako lanaren, enpleguaren eta lanbide-heziketaren eremuko programa eta jarduera publikoekin lotuta dagoen kostuaren behin-behineko zenbatespena.